

Սիրելի Վարդուհի, կարծեմ այս նամակովս կարողացայ Քեզ որոշ գաղափար տալ գիւղական տների և այլ երևոյթ-ների մասին, որոնք գիտեմ, այնքան էլ մխիթարական չեն Քեզ համար:

Բայց սիրելիս, կարծում եմ, Գու աւելի պիտի տխրես, եթէ Քեզ նկարագրեմ իւրաքանչիւր գիւղն առանձին-առան-ձին, որի հետ ես պիտի տամ Քեզ և հարստահարութիւն-ների պատկերը. գրանով իմ նպատակն է ցոյց տալ Քեզ, թէ մեր չարքաշ աշխատաւորները պարսիկ առքաւորների ձեռքի տակ օրըստօրէ ինչպէս քայքայւում են և հիւժուում:

Այսօրւայ պտոյտն ինձ շատ է յոգնեցրել և արգէն գիշերւայ ժամը 1-ն է. վաղուց է, ինչ գիւղում ամենքը բուն են մտել. ես էլ մտնում եմ անկողին, մի քիչ հանգստանալու:

Բարի գիշեր սիրելիս,

Քո՝

ԱՐԱՄ

Փէրիա-Վերին Խոյզան, 23 Սեպտեմբեր, 1918.

Թանկագին Վարդուհի,

Ինչպէս նախորդ նամակովս խօստացել էի, այս անգամ Քեզ պիտի գրեմ հայաբնակ գիւղերի մասին: Ես անցայ քսլոր գիւղերը, օրերով ապրեցի նրանց ծոցում, մասնակից եղայ գիւղացիների առօրեայ կեանքին և վշտերին, տեսայ կատարւող անասելի հարստահարութիւնները պարսիկ բռնակալ խանների ձեռքով և այլ բազմաթիւ տխուր երևոյթներ, որոնք ինձ շատ տխրեցրին և դարձրին դէպի կեանքը յուետես:

Գու կը տեսնես այդ տխուր երևոյթներն այս իմ նամակում, որոնք հաւատացած եմ Քո սիրտն էլ պիտի տրխրեցնեն: Այս անգամ, հակառակ իմ ցանկութեան շատ եր-